

SAKSFRAMLEGG

Sakshandsamar: Torunn Løne Vinje
Arkivsaksnr.: 17/394

Arkiv: 141

Kommuneplanen sin samfunnsdel 2017 - 2028 - oppstart og planprogram

Rådmannen si tilråding:

Formannskapet gjer slikt vedtak

1. Formannskapet sluttar seg til dei tilrådingane rådmannen har kome med når det gjeld framlegg til planprogram for samfunnsdelen.
2. I medhald av reglane i §11-12 varslar og kunngjør Luster kommune oppstart av arbeidet med kommuneplanen – samfunnsdelen.
3. I medhald av reglane i §§ 11-12 og 11-13 i Plan- og bygningslova, blir framlegg til planprogram lagt ut til offentleg ettersyn og sendt på høyring til overordna planfaglege myndigheter.

Saksutgreiing:

Prenta vedlegg: Framlegg til planprogram

Uprenta vedlegg:

Samandrag:

Rådmannen har utarbeidd framlegg til planprogram for «*Kommuneplanen sin samfunnsdel*» (KPS) i samsvar med PLBL §11-13. Planprogrammet gjer greie for m.a. føremålet og framdrift. Rådmannen ser ikkje at det er grunnlag for omfattande utgreiingar i samband med samfunnsdelen. Framdrifta er lagt opp i høve til å få KPS vedteken før sumaren 2017.

Utval som har vedtaksmynne:

Mynde til utvalet er gjeve i følgjande lov, forskrift eller delegeringsmynne:
Formannskap /kommuneplannemnd jf. PLBL §11-13 jf. §4-1 og §11-13.

Fakta:

Føremålet med KPS er å trekka opp dei langsiktige utviklingslinjene og gjera prioriteringar av oppgåver som skal løysast. Planprogrammet skal leggja til rette for ein god planprosess, og skapa best mogeleg rammer for arbeidet. Plan- og bygningslova har innført eit lovbestemt krav (§4-1) til at det vert utarbeidd eit planprogram ved revisjon av kommuneplanen.

Planprogrammet skal minst gjera greie for:

- føremålet med planarbeidet
- planprosessen – deltararar, fristar
- opplegg for medverknad
- skildring av evt. alternativ som vert vurderte
- behov for utgreiingar – spesielt i høve til forskrift om konsekvensutgreiingar

Luster kommune har etablert ein «4-års-syklus» for kommuneplanarbeidet som omfattar desse deloppgåvene:

- Planstrategi
- Samfunnsdelen med planprogram
- Arealdelen med planprogram
- Kommuneplanmelding

Dette er «integrert» i kommunen sit «årshjul» som omfattar årsmelding, handlingsdel med budsjett, økonomiplan, planprogram og tenesteplan og handlingsprogram. Komande revisjon skal ha ein mindre omfattande prosess, jf. gjeldande plan. Strukturen ligg fast. Det skal heller ikkje gjerast særskilde utgreiingar.

I planstrategien vart det fastsett 4 tema som skal vektleggjast og vera gjennomgåande i alle kommunale planar – også samfunnsdelen. Dette er:

- Folkehelse
- Busetjing og integrering
- Bærekraftig utvikling og grønt skifte
- Risiko og sårbarheit (ROS)

Andre faktorar som kan påverka planarbeidet er kommunestyret si «tinging» jf. budsjetthandsaminga og følgjande utgreiingsarbeid;

- Kommuneanalyse
- Skulebruksplan
- Eigedomsskatteordning

Planprogrammet skal leggjast ut til offentleg ettersyn i 6 veker og deretter fastsetjast av kommunestyret. Jf. framdrifta vert det lagt opp til at samfunnsdelen skal vedtakast i

desember 2017. Det vert lagt opp til å følgja strukturen på gjeldande plan, der visjon og fokusområde ligg fast. I hovudsak vert det ein revisjon av handlingsdelen, der målsetjingar kan endrast og nye tiltak vert innarbeidd.

Vurdering:

Rådmannen har i planprogrammet lagt vekt på at kommunen vidarefører strukturane i gjeldande KPS. Kommunen har gjennom dei overordna planane fått ein betre og meir målbar samanheng mellom kommuneplan og kommuneplanmelding, budsjett og rekneskap. Handlingsdelen i KPS har fått ei form som gjer det lettare å sjå denne samanhengen. Eit slikt system gjer det også lettare å få fram års-, eller kvartalsrapportar. Dette gjer at både politikarar og administrasjon får eit godt styringsverktøy. Rådmannen ser ikkje at det er grunnlag for omfattande utgreiingar i samband med samfunnssdelen, utover kommunestyret si «tinging» til budsjettarbeidet. Framdrifta er lagt opp i høve til å få samfunnssdelen vedteken i desember 2017.

Dato: 03.03.2017.

Jarle Skartun
rådmann

Arne Ingjald Lerum
plansjef

Særutskrift skal sendast:
m/kopi til: